

也一遣使探問以開其端則後不可廢其弊無窮此亦徒我國
驛路凋殘中原一路亦已大困今雖援永樂前例發遣使臣中
原徒為厭苦而已歷考史記廣議朝廷固為允當而臣等之意
如是傳曰予亦非必欲遣使湖廣也前規如是則史記不須考
也待天使來而得聞湖廣之定幸然後與朝廷更議處置可也○臺
諫啟前事不允○日微暈

三月己巳朔○庚午夜乾方南方異方有氣如火○辛未問禮
官韓淑啓曰合迎儀天使以為不可則計往返日進分迎儀事
前已傳教但進分迎儀時以取稟於殿下為辭乎以敬從大
人所教為辭乎且天使若還給合迎儀而令改來云則可持來
矣若還給而令改來云則何以為之乎傳曰問禮官取稟之
言固多端矣命召三公及禮曹判書詣閤門外當引見同議
上御思政殿引見三公等上曰問禮官問答之辭當如何領
議政尹殷輔曰初進合迎儀於天使而天使以為不可則觀其
意當計往返日而更進分迎儀矣然以禮部奏本觀之賜物勅為封